

- 1^r Wer zeigen düt eyn gûte stroß
- 2^r Vnd blib er jn dem pfütz vnd moß
- 3^r Der ist der synn vnd wißheyt bloß



von stroffen vnd selv tun.

- 1 Der ist eyn narr der stroffen will
- 2 Das jm zû tûn nit ist zû vil
- 3 Der ist eyn narr vnd vngeert
- 4 Der alle sach zûm bösten kert

5 Vnd yedem ding eyn spett anhenckt
 6 Vnd nit syn eygnen bresten denckt
 7 Eyn handt die an dem wegscheyd stat
 8 Die zeigt den weg / den sie nit gat
 9 Wer jn sym oug eyn trotboum trag
 10 Der tûg jn druß / ee dan er sag
 11 Brûder / hab acht / ich sich an dir
 12 Eyn âglin das mißfallet mir
 13 Es stat eym lerer vbel an
 14 Der sunst kan stroffen yederman
 15 Wann er das laster an jm hat
 16 Das übel ander lüt an stat /
 17 Vnd das er lyden muß den spruch
 18 Herr artzt dûnt selber heylen üch
 19 Mancher kan raten ander lüt
 20 Der jm doch selbst kan raten nüt
 21 Als Gentilis vnd Mesue
 22 Der yeder starb am selben we
 23 Des er meynt helffen yederman
 24 Vnd aller meyst geschriben von /
 25 Eyn yedes laster das geschicht
 26 So vil schynbarer man das siecht
 27 So vil / als der würt höher geacht
 28 Der sollichs laster hat volbracht
 29 Dû vor die werck / dar noch die lere
 30 Wilt du verdienen lob vnd ere
 31 Das volck von Jsrahel hat synn
 32 Stroffen die sün Benyamin
 33 Vnd lagen sy dar nyder doch
 34 Dann sye jn sünden worent noch

8 den GW5046] eyn GW5041 GW5047 11 sich GW5046] fieh GW5041 GW5047 12 das
 GW5046 GW5047] die GW5041 20 selbst GW5046] felb GW5041 GW5047 25 geschicht
 GW5046] gefchieht GW5041 GW5047